

ত্রিপুরা সরকার
তথ্য ও সংস্কৃতি অধিকার

স-৪৫৭৭

বিশালগড়, ১৬, জানুয়ারি, ২০২৪

সিপাহীজলা জেলাভিত্তিক বাল বৈজ্ঞানিক প্রদর্শনী

চড়িলাম ব্লকের ভারতরত্ন অটল বিহারী বাজপেয়ী চড়িলাম দ্বাদশ শ্রেণী বিদ্যালয়ে সম্প্রতি দু'দিনব্যাপী সিপাহীজলা জেলাভিত্তিক বাল বৈজ্ঞানিক প্রদর্শনীর আয়োজন করা হয়। এ উপলক্ষে অনুষ্ঠিত হয় আলোচনাচক্র। প্রদর্শনী ও আলোচনাচক্রের উদ্বোধন করেন কেন্দ্রীয় সামাজিক ন্যায় ও ক্ষমতাগণ প্রতিমন্ত্রী প্রতিমা ভৌমিক। উদ্বোধনের পর কেন্দ্রীয় প্রতিমন্ত্রী বিভিন্ন স্কুল থেকে আগত ছাত্রছাত্রীদের বিজ্ঞান মডেলগুলি পরিদর্শন করেন। সিপাহীজলা জেলাভিত্তিক দু'দিনব্যাপী বাল বৈজ্ঞানিক প্রদর্শনীতে সিপাহীজলা জেলার ৫১টি বিদ্যালয়ের ছাত্রছাত্রীরা ৯১টি বিজ্ঞান মডেল নিয়ে অংশগ্রহণ করে। উদ্বোধকের ভাষণে কেন্দ্রীয় প্রতিমন্ত্রী প্রতিমা ভৌমিক বলেন, এ ধরনের কর্মসূচি ছাত্রছাত্রীদের বিজ্ঞান বিষয়ে উৎসাহিত করবে। বর্তমান কেন্দ্রীয় সরকার ছাত্রছাত্রীদের বিজ্ঞান মনস্ক করতে দেশের প্রতিটি রাজ্যের বিভিন্ন বিদ্যালয়ে মোট দশ হাজার অটলটিস্কারিং ল্যাব চালু করেছে। অনুষ্ঠানে অন্যান্যদের মধ্যে উপস্থিত ছিলেন সিপাহীজলা জিলা পরিষদের সভাপতি সুপ্রিয়া দাস দত্ত, সিপাহীজলা জেলার অতিরিক্ত জেলাশাসক জে ভি দুয়াতি, বিশালগড় মহকুমার মহকুমা শাসক রাকেশ চক্রবর্তী প্রমুখ। স্বাগত বক্তব্য রাখেন ভারত রত্ন অটল বিহারী বাজপেয়ী চড়িলাম দ্বাদশ শ্রেণী বিদ্যালয়ের প্রধান শিক্ষিকা সুরজিতা দেববর্মা।
